

24 AUG 2002

DR MAHATHIR TIBA UNTUK LAWATAN SEHARI KE JOHOR

JOHOR BAHRU, 24 Ogos (Bernama) -- Perdana Menteri Datuk Seri Dr Mahathir Mohamad tiba di sini hari ini untuk lawatan kerja sehari ke Johor.

Ketibaan Dr Mahathir di Lapangan Terbang Antarabangsa Senai dekat sini disambut oleh Menteri Besar, Datuk Abdul Ghani Othman dan anggota-anggota exco kerajaan negeri.

Perdana Menteri dijadualkan menutup Perhimpunan Patriotik Pemimpin Pelajar Peringkat Kebangsaan di Stadium Perbadanan Pasir Gudang dekat sini pada 9.30 pagi.

Beliau akan berucap kepada lebih 1,000 pemimpin pelajar dari seluruh negara dan ribuan lagi pelajar, guru serta ibu bapa dari seluruh Johor.

Kira-kira pukul 3.00 petang Perdana Menteri akan menghadiri pula perjumpaan dengan para pelajar dan kakitangan Universiti Teknologi Malaysia di Skudai.

Beliau dijadual berlepas pulang ke Kuala Lumpur dari Senai pada pukul 6.15 petang.

-- BERNAMA

MNY HM